



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

26. Januarij. Abstinere à litibus non solùm liberale est, & Christianâ pace dignum, sed & fructuosum. S. Ignat. vitæ l. 4. §. 7.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

*rēque infestius cupit, nocturnum tempus
maxime observat. S. Ignat. in Exercit.*

Illud vigiliam inter & somnum quasi crepusculum, ut dubiæ lucis, ita dubiæ voluntatis tempus, opus habet custodiâ, ibi velut ex insidiis aggreditur hostis è somno excitatum, ut ex improviso figat aculeum.

Miser diabolus! aperto marte congregredi veritus, latebras querit; ut fur, noctem obseruat. Quid ages? solâ contra hunc furem opus est vigilantiâ, fugit, si se sciat observari.

Diei primitias occupat: ut enim dimidium facti, qui bene cœpit, habet; sic à malo, quod absit, diei principio, ægre melior exitus posset exspectari. Prima debentur Primo:

Quām sollicitus in nostri ruinam est dæmon? dies illi non sufficit, noctes addit, præoccupat vigilias. Væ segni, & in aurem utramque sine sui cura, sine superum præsidiis, dormienti!

26. Januarij.

*Abstinere à litibus non solum liberale est, &
Christianâ pace dignum, sed & fructu-*
sum. S. Ignat. vitæ l. 4. §. 7.

Si quam rerum temporalium jacturam
virtutis amore feceris, solet eam Do-
minus abundè compensare. Melior est pu-
gillus in pace, quàm thesauri cum jurgio.
Quid juvat augere eensus, & imminuere
charitatem.

Difficile est litem movere, nec violare
charitatem. Ut aliena ametur iniquitas,
non præcipio; solum dico: nunquam ita
odio habendam esse injuriam, ut illum, qui
fecit, odisse liceat. Cave, ne indignatur
factis, simul & homini indigneris.

Minima charitatis jactura pejor est qua-
vis temporali; hæc enim præterit, illa ma-
net: pro qua vitanda totius etiam mundi
amissio toleranda foret.

Punctum est, pro quo tantopere certa-
mus. Si lucra petimus, æterna quæramus.
Quid litigamus pro re, cui opinio nostra
premium siugit melius, quàm facit.

27. Januarij.

*Periculi plenum est, unâ omnes viâ cogeri
ad profectum; pejus alios ex se metiri.*
S. Ignat. in vita.

Quot homines, tot sententiæ, tot di-
versi vultus, tam variæ voces; ita, ut
pro-